



Broj: KSI-17-144/23

Datum: 20.07.2023. godine

Na osnovu člana 32. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“ broj: 04/21) i člana 25. stav (2) Poslovnika o radu Komisije za odlučivanje o sukobu interesa („Službeni glasnik Brčko distrikta Bosne i Hercegovine“ broj: 19/21), postupajući po anonimnoj prijavi od 07.07.2023. godine protiv M. V., šefa Odjeljenja za komunalne poslove Brčko distrikta Bosne i Hercegovine, kao nosioca javne funkcije, na 59. sjednici održanoj 20.07.2023. godine, donosi

ODLUKU

Postupak za odlučivanje o sukobu interesa protiv nosioca javne funkcije, M. V., šefa Odjeljenja za komunalne poslove Brčko distrikta Bosne i Hercegovine, neće se pokrenuti, obzirom da iz prikupljenih podataka i dokumentacije ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta BiH, odnosno postojanja sukoba interesa.

Образложење

Dana 06.07.2023. godine Komisija za odlučivanje o sukobu interesa zaprimila je anonimnu prijavu broj: KSI-17-144/23, radi sumnje na povredu odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno postojanje sukoba interesa protiv M. V., kao nosioca javne funkcije, šefa Odjeljenja za komunalne poslove Brčko distrikta Bosne i Hercegovine.

Naime, u prijavi je navedeno da je M. V., šef Odjeljenja za komunalne poslove Brčko distrikta Bosne i Hercegovine, da njegov sin V., a koji je zaposlenik firme [REDACTED], zajedno rade da firma [REDACTED], dobija tender u Odjeljenju gdje je on šef, te da je u zadnjem tenderu od 14.06.2023. godine, a odlukom o izboru najpovoljnijeg ponuđača dobio posao vrijednosti od 14.912,82 KM. Takođe, podnosilac anonimne prijave zahtijeva od Komisije za odlučivanje o sukobu interesa da utvrdi sve relevantne činjenice, te ukoliko utvrdi postojanje povrede odredaba Zakona o sprečavanju sukoba interesa da primjeni odgovarajuće mjere.

Članom 2. tačka c) Zakona o sprečavanju sukoba interesa u institucijama Brčko distrikta BiH propisano je da je „nosilac javne funkcije“ izabrano ili imenovano lice u

organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnih ovlaštenja i lice koje je imenovano, odnosno na čiji izbor i imenovanje suglasnost daje Skupština, odnosno Vlada, ukoliko drugim zakonom nije drugačije propisano.

Uvidom u Registar javnih funkcija i nosilaca javne funkcije, koje vodi Komisija, utvrđeno je da M. V. obavlja funkciju šefa Odjeljenja za komunalne poslove, a na osnovu Odluke broj: [REDACTED], te je obavezan postupati u skladu s odredbama Zakona o sprečavanju sukoba interesa u institucijama Brčko distrikta Bosne i Hercegovine.

Komisija za odlučivanje o sukobu interesa je dopisom broj: KSI-17-144/23 od 07.07.2023. godine zahtijevala od Odjeljenja za komunalne poslove Brčko distrikta Bosne i Hercegovine dostavu podataka vezanu za postupak javne nabavke, a u kojoj je kao najpovoljniji ponuđač izabran [REDACTED] za iznos od 14.912,82 KM u 2023. godini. Te, informaciju ko je provodio postupak iste i o tome ko je pokrenuo inicijativu za pokretanje postupka.

Iz priložene dokumentacije, odnosno dopisa Odjeljenja za komunalne poslove broj: 22-001287/22 od 17.07.2023. godine, utvrđeno je da je navedeno Odjeljenje u skladu sa ukazanom i planiranom potrebom pokrenula po otvorenom postupku javnu nabavku radova pod nazivom „Izgradnja objekata vodosnabdijevanja i kanalisanja otpadnih voda na teritoriji Brčko distrikta BiH po lotovima od Lot 1 do Lot 5“. U skladu sa tim donesena je Odluka o pokretanju postupka javne nabavke (otvoreni postupak), broj predmeta 13-000819/23 od 14.03.2023. godine. Na osnovu pozicije u kapitalnom budžetu za 2022. godinu-rebalans, predmet javne nabavke je bio i LOT 5- Nastavak izgradnje vodovodne mreže u MZ Lipovac. Nakon obavljenog postupka javne nabavke i e-aukcije kao najpovoljniji ponuđač odabaran je [REDACTED], po cijeni od 14.912,82 KM sa PDV-om. Procijenjena vrijednost za predmetni lot je dobijena prethodnom analizom tržišta o čemu je sačinjena službena zabilješka i iznosila je 15.000,00 KM sa PDV-om. Inicijativu za pokretanje postupka javne nabavke iniciralo je Odjeljenje za komunalne poslove, a postupak je provodilo Odjeljenje za stručne i administrativne poslove, Pododjeljenje za javne nabavke, u skladu sa odredbama Zakona o javnim nabavkama.

Nadalje, uvidom u Izvod iz sudskog registra Osnovnog suda Brčko distrikta Bosne i Hercegovine, Registar preduzeća, broj: [REDACTED] utvrđeno je da su osnivači/članovi subjekta upisa [REDACTED], I.-K. S. i V. M., a lice ovlašteno za zastupanje-direktor I.-K. S., te V. M., pomoćnik direktora.

Iz svega navedenog, a na osnovu prikupljenih podataka, dokumentacije i uvida u iste, utvrđeno je da M. V., šef Odjeljenja za komunalne poslove Brčko distrikta Bosne i Hercegovine, kao nosilac javne funkcije, nije povrijedio odredbe Zakona o sprečavanju sukoba interesa u institucijama Brčko distrikta Bosne i Hercegovine, odnosno da ne postoji sukob interesa, jer nisu utvrđene okolnosti koje bi ukazivale na moguću povredu odredaba Zakona od strane nosioca javne funkcije.

Slijedom navedenog, Komisija je donijela odluku kao u dispozitivu.

Pouka o pravnom lijeku:

Protiv ove Odluke nije dozvoljena žalba, ali se može pokrenuti upravni spor pred Osnovnim sudom Brčko distrikta Bosne i Hercegovine u roku od 30 dana od dana prijema ove Odluke.

Predsjednik
Komisije za odlučivanje o sukobu interesa

Admira Mujić, dipl.pravnik

Dostavljeno:

- Anonimnom podnosiocu, putem oglasne table,
- Internet stranici Komisije
- Evidenciji
- Arhivi